

NAFARROAKO GOBERNUA

GARAPEN EKONOMIKOA

ESKUBIDE SOZIALAK

OGASUNA ETA FINANTZA POLITIKA

LEHENDAKARITZA, FUNTZIO  
PUBLIKOA, BARNEA ETA JUSTIZIAHERRITARREKIKO ETA  
ERAKUNDEEKIKO HARREMANAK

HEZKUNTZA

OSASUNA

KULTURA, KIROLA ETA GAZTERIA

LANDA GARAPENA, INGURUMENA  
ETA TOKI ADMINISTRAZIOA

SEGURTASUNA ETA LARRIALDIAK

## Nafarroako Orkestra Sinfonikoak 1.550.000 euroko zorra du

*Astelehenean jakinaraziko dira Orkestra barnean hartuko duen Baluarte fundazioko kudeatzailtza berrirako lehiaketako oinarriak*

Ostirala, 2016.eko ekainak 3

Nafarroako Orkestra Sinfonikoak 1.550.000 euro inguruko zorra du. Zorra zenbatekoa den bideragarritasun-plana egin eta Orkestraren egoera ekonomiko-finantzarioa aztertu ondoren jakin da, kontuan hartuz Baluarte fundazioan sartuko dela Pablo Sarasate fundazioa desegiten denean.



Nafarroako Orkestra Sinfonikoa

Pablo Sarasate fundazioa desegitea eta Nafarroako Orkestra Sinfonikoa Baluarte fundazioan sartzea Nafarroako Gobernuak apirilaren 6an hartutako erabakiz proposatu zen. Horren ondoren, Pablo Sarasate fundazioak haren desegitea aho batez onartu zuen eta Orkestra Baluarte fundazioaren barnean sartzea begi onez ikusi; xede horretarako, likidazio-batzorde bat eratu zen.

Orkestrak abuztuaren 31n, Pablo Sarasate fundazioa desegiten denean, 1.550.000 euroko zorra izango du; azken urteotan sortutakoa da, eta funtsean honako era honetan banatzen da: hornitzaileei ordaindu gabeko fakturak, langileei hainbat kontzepturengatik atzerapenak ordaintzea, Ogasunarekin eta Gizarte Segurantzarekin dagoen zorra.

Egiturazko zor horri Nafarroako Orkestra Sinfonikoaren funtzionamenduko gastuak estaltzeko beharra gehitu behar zaio urteko azken lauhilekoan. 2016ko Aurrekontu Orokorretan Pablo Sarasate fundaziorako bideratutako partida 3.655.000 izan zen eta, harrezkero, Orkestraren benetako egoera ekonomikoa zein den jakiteko lan egin da. Likidazio-batzordeak emandako azken datuei esker, jakin izan da Baluarte fundazioari 1.200.000 euro eman beharko zaizkiola Orkestraren ohiko gastuetarako 2016ko azken lauhilekoan, eta gastu horiek Kulturako Zuzendaritza Nagusiko aurrekontuen kargu geratuko direla.

Gainera, Baluarte fundazioak 600.000 euro inguruko banku-mailegu bat eskatzea proposatzen da, gainera, integrazioak eragindako berehalako ordainketei aurre egiteko. Gainerako zorra 2017 eta 2019 artean banatzen da, eta aurretiazko bideragarritasun-planak haren sufragioa aurreikusten du. Likidazio-batzordeak hainbat

hartzekodunarekin lanean dihardu, sufragio hori planifikatzeko.

### **Baluarteko kudeatzaile berria eta Orkestraren egoitza egonkorra**

Pablo Sarasate fundazioa desegitearekin batera, eta Nafarroako Orkestra Sinfonikoa Baluarte fundazioan sartuko dela kontuan hartuta, Fundazioaren zuzendari kudeatzailearen lehiaketarako prozesua abian da, irailaren 1ean hasiko dena lanean. Datorren astelehenean lehiaketa horretako oinarriak argitaratuko dira.

Prozesu horretan Kulturako Zuzendaritza Nagusiko eta NICDOko arduradunek parte hartuko dute, toki eta estatu mailako kultura nahiz orkestra munduei lotutako pertsonak eta Nafarroako Orkestra Sinfonikoko enpresa-batzordeak.

Kultura, Kirol eta Gazteriako kontseilari Ana Herrerak iragarri du, halaber Nafarroako Orkestra Sinfonikorako egoitza egonkor bat izateko asmoa duela, beste musika-entitate batzuekin partekatu ahal izango dena (Iruñeko Orfeoiarekin, adibidez), bi entitateek sinergiak sortu ahal ditzaten. Baieztatu duenez, Iruñeko Udalarekin elkarlanean ari dira bi entitateen baldintza teknikoak batuko dituen eraikin bat topatzeko.